

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 15. Conversio non differenda.

[urn:nbn:de:hbz:466:1-60495](#)

Imitare praxim S. Patris nostri Ignatij, qui Martius, oœlestibus contemplandis continuo intentus dicebat: quam sorbet milii terra, cum Cœlum aspicio?

Quam dilecta tabernacula tua Domine virtutum! concupiscit, & deficit anima mea in atria Domini: Psal 83. v. 2.
Uno perfruemur; sed ipsum unum omnia nobis erit. Aug.

DIES XV.

Conversio non differenda.

K.

SI penitentiam procrastinas, vel credis, inquit S. Bernardus, Deum tibi peccata tua remissurum, vel non credis? Si credis, non remissurum; quæ major amentia, quam hostem potentem, spe omniveniae obtainendæ præcisa, offendere, & augendo flagitia, supplicia sua augere? si credis, Deum adeò Misericordem esse, ut, licet multoties eum offenderis, non cessarus sit tibi ignoscere; quænam turpior malitia, quam Deum magis, magisque offendendi ansam sumere ex eo, quod te ad ipsum amandum impellere deberet? Quam inaudita ratiocinandi methodus, inquit Tertullianus: Deus bonus est, ita

P 5

cuq

Martius.

que malum me esse oporteret. Deus adeo benignus est, ut facile mihi sit parsurus; igitur omnem peccandi timorem excutere licet; Deus tam patiens est, ut Iubens me toleret, vitæque meæ emendationem patienter expectet: ideo ego eò insolentia progrediar impunè, ut indesinenter eum offendam. Potestne Christianus quispiam, homo quispiam, ipsemet Dæmon hunc in modum ratiocinari?

II. Vel credis, Deum tibi breve temporis spacium concessurum, quo vitæ tuæ emendationi studeas, vel credis, eum tibi longius concessurum? si credis parum temporis tibi superfore, cur non omnia tam brevis, & pretiosi temporis momenta utiliter impendis? si credis, multum temporis superfore, quantopere ob id ei non obligaris? & qua ratione melius testari gratum animum potes, quam si tempus tot alijs negarum, tibique ex mera benignitate concessum ei mitigando, & amando tribueris? Deus, inquit sapiens, tibi tempus non dedit ad se offendendum. Quam abominandum igitur ingrati, & iniqui animi vitium est, eò non nisi ad peccandum ut hoc autem facimus, si morum nostrorum correctionem differimus. Pœnitentiam ob causam tam injustam procrastinare, an-

nōn

non idem est, ac periculo se exponere eam Mattiu s.
nunquam agendi?

III. Vel credis, te olim pœnitentiam
acturum de peccatis, quæ committere per-
gis, conversionem tuam differendo, vel
non credis? si non credis, igitur despera-
tus es, & reprobatus. Quid infelicius?
si credis: quanta fatuitas, voluptatem ca-
pere è re, cuius te pœnitere necessariò de-
bet, nisi perire velis! è re, quam deplora-
turus es vel in hac, vel in altera vita? si in
scelere tuo suavitatem semper experiris;
funesta sane suavitas, quæ dolore & ama-
ritudine terminabitur æterna! si verò ad
tuam utilitatem scelerata hæc voluptas per-
verum dolorem de ea concipiendum in a-
maritudinem mutari debet, qui verum
haurire gaudium potes ex actione, quæ
summo tibi olim dolore stabit!

Erubisce, quòd Dei patientia toties abusus
fueris, veluti incitamento ad differendam vitæ
in melius commutationem, & statue hanc inju-
riam sarcire ex hac hora animum applicando ad
seriam vitæ emendationem.

Nemini dedit spaciū peccandi. *Ecli*
15. v. 21.

Magnum Misericordiæ tempus non
transeat: venturum est judicium; erit tunc
pœnitentia, sed infructuosa. *Aug. in Psal.*

DIES